

AGENDRE TRINITATIS

MINGGU 16 NOVEMBER 2025

1. FANGOWAI BA FOGAONI

(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).

- Fangowai** :
SA : Ya'ami banua Zo'aya, Ya somuso tödö ba sowuawua tödö ami ba we'amöi föna Keriso ma'ökhö andre. Ma'owai Ami fefu, : Ya'ahowu.
SATO : Ya'ahowu !
SA : Ya faofao khömi Lowalangi...
SATO : Ya fao Khöu Geheha-Nia
Fogaoni :
SA : Da ta'owuawua'ö dödöda wangondrasi Yehowa, da ta'omusoi'ö dödöda ba wamalua fasumangeta khö Lowalangi. Tasuno Ia, manunö ita moroi ba Mbuku Zinunö **numero : 306 ayati 1-2**

306. DA TASUNO LOWALANGI

Lala : Röfa Yesu, Röfa Yesu (No. 106)

do = bes 3/4

MM = 88 - 96

1. Datasuno Lowalangi, si no Fondrege Zalaäwa.
Me Ya'ia zamatörö, fefu nösi gulidanö, ba Ya'ia göi zokhö.
2. Lö tebulö fao Zo'aya, me tana khö-Nia ita.
I'orifi, Irorogö, I'efa'ö fefu horö, I'omusoi'ö dödö.

2. FANGA'ARO'Ö WA'OWULO (VOTUM)

- SA** : Da tahonogö dödöda ba wariawösa, ba ba wa hasambua khö Lowalangi, (Muzizio zato):
No owulo ita ba da'e ba döi Lowalangi Ama, ba ba döi nono-Nia Yesu Keriso, ba ba döi Geheha Ni'amoni'ö. Fangorifida ha ba döi Yehowa si no momböi banua si yawa awö danö.....

SATO : YADUHU

- SA** : Ba u'ila Zo'aya, si dadao ba dadaoma sebua, si no alawa: anönö gosali ahe mbaru-Nia, önö gafi zamösana. Dua mbalubalu mbawa ba dua mbalubalu gahe ba dua ba Wehombo. Ba faoma lamane-mane we'ao khö nawöra: Ni'amoni'ö, Ni'amoni'ö, Ni'amoni'ö Yehowa ngahönö andrö; no anönö lakhömi-Nia guli danö ma'asagörö. **HALELUYA.....**

SA : **Manunö : BZ. : 452**

Haleluya..... Haleluya..... Haleluya.....

- SA** : Mangandrö ita :
He Yehowa Lowalangi Ama, Ono ba Eheha Ni'amoni'ö. Möiga mangalulu ba wangandrö saohagölö me no Örorogö, Ö'orifi, ba Öbohouniga fa'omasi-Mö andrö. Ma'andrö khö-U, tohugö wa'ebua dödö-U khöma, rorogöga ba ngawalö de'ala, efa'öga ba wanandraigö, rara dödö bangawalö gabula dödö, tundrehehi faböi alau ndra'aga. Fatöröga ba zomasi Ndra'ugö irugi gamozua, fa makhamö nahia ba zi so Ya'ugö. Si lö mo'aetufa nisuna ba nifolakhömi Ndra'ugö, awö Zo,aya ya,aga Yesu Keriso ba Eheha Ni'amoni'ö, Yaduhu. (Mudadao zato)

3. MANUNÖ moroi ba Mbuku Zinunö Numero : 238 ayati 1-2

238. BA GAHE RÖFAU YESU

do = f 6/8

MM = 88 - 96

1. Ba gahe röfa-U Yesu, ohahau dödögu.
Moroi ba Gologata, so wangorifigu.
Röfa-Mö, röfa-Mö, nifolakhömigu.
Irugi zi lö aetu, ahono dödögu.
2. Ba gahe röfa-U Yesu, utema wangefa.
Haga soroi Zo'aya, zanuturu lala.
Röfa-Mö, röfa-Mö, nifolakhömigu.
Irugi zi lö aetu, ahono dödögu.

4. FOMBASO TAROMA LI LOWALANGI FAMÖRÖGÖ (AF)

: Da tafondrondrongo daroma Li Lowalangi, tehalö moroi ba zura **Sinunö 117:1-2**

1. Misuno Yehowa, ya'ami niha baero, fefu! Misuno ia, fefu soi niha!
2. Me no abölö ba khöda wa'ebua dödönia andrö, ba si lö aetu wa lö faröi Yehowa. Haleluya!

Simanö daroma Li Lowalangi, da tatema'ö faoma sinunö: BZ.Numero 20:1

BZ. No: 20. MISUNOSUNO ZO'AYA

1. Misunosuno Zo'aya, mi bè zumange-Nia.
Mi'ebua'ö döi-Nia, sotöi banua-Nia.
Me no Ikaoni göi ami, afu mitemawa'au ri, khö Yesu, Sangorifi.

5. FANGANDRÖ FANGEFA HORÖ

SA

: Ya'ami ira talifusö'

Na tawa'ö lö horöda, ba talimo ita, ba siduhu lö'ö ba dödöda. Na ta'ombakha'ö Horöda, ba lö faröi Ia, ba no satulö Ia,fa'i'efa'ö khöda horö andrö, ihaogö ita, awö wa'iheta fefu zilö atulö. Andrö da möi ita föna Lowalangi si fao fangidengide'ö ba wangombakha horöda, (muzizio ita fefu)

Mangandrö ita :

He Yehowa Lowalangi, si lö ambö fa'abölö, ba si no fahöna fa'omasi. Mafaduhu'ö wa tenga sinangea ndra'aga tanö föna-Mö, me no fahöna höröma si no mafalua i'otarai iraono ndra'aga, he ba wehedema, era'era dödöma, awö gamuatama si lö faudu ba daroma Li-Mö. Andrö möiga khö-U ba wangandrö fa'ahakhö dödö-U, ena'ö Ö'efa'ö khöma horöma andrö si no mafalua, irege sohahau tödö ndra'aga wanohugö fekolima ba zi so fönama si faudu ba zomasi Ndra'ugö. Hakhösi dödö-U khöma Ama, ba be'e aefa khöma horöma andrö ma'afefu, Yaduhu.

SATO

: Manunö : BZ. Numero 224 : 1

224. NA'UBINI'Ö HORÖGU KHÖ YESU

1. Na'ubini'ö horögu khö Yesu, ba lö usöndra zahono dödögu

U'ombakha'ö ngawalö horögu, mo lala dödö.

- SA** : **Turia Wangefa horö** : “Utayaigö golalöwamö, si mane lawuo, awö horöu, si mane sau. Tema fuli'ö khö-Gu, me no U'orifi ndra'ugö.
LAKHÖMI KHÖ LOWALANGI SI YAWA.....
- SATO** : Manunö:

450. BA FA'ATULÖ BA GULIDANÖ

1. Ba fa'atulö ba gulidanö ba niha ni'omasi'ö andrö

(mudadao zato)

6. FOMBASO TAROMA LI LOWALANGI FÖNA HUHUUO (AB)

- : Da tafondrondrongo daroma Li Lowalangi, tehalö moroi ba zura **I Yohane 4:7-12**

7. He ya'ami ni'omasi'ö! data'omasi'o nawöda, me no moroi ba Lowalangi wa'omasi andrö, ba me no si tumbu ba Lowalangi dozi sangomasi'ö awöra, ba me no aboto ba dödöra Lowalangi.
8. Si lõ mangomasi'ö awönia, ba lõ saboto ba dödönia Lowalangi, me no fa'omasi Lowalangi.
9. Ba da'ö no oroma wa'omasi Lowalangi andrö, ba khöda, me no ifatenge ba guli danö Nononia Lowalangi, ononia si ha sambua andrö, ena'ö auri ita balazi ia.
10. Ba da'ö so wa'omasi andrö, tenga wa no ta'omasi'ö Lowalangi, no wa no i'omasi'ö ita, awö wa no ifatenge Nononia, hõli, ba horöda.
11. He ya'ami ni'omasi'ö! na no imanö wangomasi'ö ya'ita Lowalangi, ba mo'ömö göi ita fangomasi'ö awöda.
12. Samösa lõ niha si no irai mangila Lowalangi; na ta'omasi'ö nawöda, ba lõ tebulö ia ba dödöda, ba mo'ahonoa ba dödöda wangomasi'öda ya'ia.

Ya'ahowu zamondrongo taroma li Lowalangi ba same'e ba dödö.

- SA+SATO** : Yaduhu

7. FASÖMBATA

- SA** : Iada'e tebe'e khöda ginötö ba wolohe fasömbata khö Lowalangi. Ta'osamuzaigö wame'e, **he fasömbata si föföna, ba simanö göi zi mendrua awö zi medölu sifao fangowuloi ame'ela persembahan kasih.** Ba si föföna ua da tafondrondrongo Li Lowalangi me imane:
- ❖ Same'e sumange fangandrö saohagölö, da'ö zamolakhömi Ya'odo, ba zi lõ sinegu ba mbuabuania U'oroma'ö wangorifi andrö khö Lowalangi.

- SA** : Tafa'ema wasömbata khö Lowalangi, manunö ita moroi ba Mbuku Zinunö **Numero : 463 ayati 1-5**

463. HARE FONDREGE ZI SÖKHI

do = bes 4/4

MM = 96 - 104

1. Fa'omasi Lowalangi, no fondrege zebua böli.
Ifatenge Zangöhöli, ba wangorifi samati.
Hare fondrege zi sökhi, röfa Yesu tatöngöni.

4

- Da'ö zinema zamati, nibè Lowalangi.
2. Tefangelama zamati, so gafökha si lö sökhi.
Afunia tefabali, faröi niha ba wamati.
Reff : Hare fondrege zi sökhi,
 3. So gafökha sondrönisi, samè lakhö fangalani.
Ifaelungu, i'u'uni, ifesu zambö famati.
Reff : Hare fondrege zi sökhi,
 4. Satage ba saösö faröi, so luora fangelifi.
Aekhu ira ba zogömi, lö falukha wangorifi.
Reff : Hare fondrege zi sökhi,
 5. Sanau ölö ba wamati, so luora fangorifi.
Ni'asiwai Zangöhöli, fa'omasi Lowalangi.
Reff : Hare fondrege zi sökhi,

Na no awai la'owuloi/lafa'ema wasömbata, ba owulo tanö furi zangowuloi Fasömbata, lafendrongagö wolohe föna fasömbata, ba la'o'ö gofanöwa note zinunö (irama lagu).Fatua lö möi ira wolohe föna, ba imane Sangai Agendre:)

“Da tafasao wasömbatada andre föna Lowalangi,.....Muzizio ita fefu.....

Manunö ita moroi ba Mbuku Zinunö **numero : 261**

261. YA'E ZUMANGE

Ira'alawe

1. Ya'e zumange fasömbata, ma ' ohe sumange Yehowa.

Iramatua

- Reff* :Ma'andrö khö-U fahowu'ö zumange ni 'ohema khö-Mö
2. Ya'e zumange fasömbata mabe'e soroi ba dödöma.
Reff : Ma'andrö khö-U
 3. Ya'e zumange fasömbata buala si'otarai Nama.
Reff : Ma'andrö khö-U
 4. Ya'e zumange fasömbata, boto, noso, ba fa'aurima
Reff : Ma'andrö khö-U
 5. Ya'e zumange fasömbata, lö irugi zomasi dödö-U.
Reff : Ma'andrö khö-U
 6. Ya'e zumange fasömbata, ma'aohasi gölö Zo'aya.
Reff : Ma'andrö khö-U

FANGANDRÖ : (*Fangandrö nidönia'ö fasamösa zangowuloi fasömbata, aefa da'ö ba lafa'ema ba Danga zangai huhuo, itema'ö sangai huhuo avena itou'ö ba dete meza. Ba na so Wasömbata si sambua ni'ofulu, owasa wanaru ma owasavwamasi, btn ba itema'ö sangai huhuo si fao taroma Li Lowalangi si faudu ba wasömbata ni'owuloi andrö*)

8. KOOR/VOKAL GROUP

- SA** : Da tafaogö dödöda ba wanuno Lowalangi faoma sinunö ni'olohesi:
Koor ba Vokal Group
- a. Koor Jemaat
 - b. Kegiatan komisi bapak
 - c. Kegiatan sektor I
 - d. Kegiatan Koremda
 - e.

9. MANUNÖ

- SA** : Da tafa'anö dödöda wamondrondrongo taroma Li Lowalangi, manunö ita moroi Ba Mbuku Zinunö **numero 163**

163. UHONOGÖ SIBAI DÖDÖGU

1. Uhonogö sibai dödögu ba wamondrondrongo li-Mö Yesu Mangalulu ndra'odo föna-U ba gametahö-Mö ia da'a Öbayoini Eheha-U Yesu dozigö mbanua samati khö-U. Ubokai dödögu khö-U Yesu nahia daroma li-U. TaromaliMö lö fa'atebulö menewi ma'ökhö ba si'ogötö'ö lö sa mamalö. Taroma li-Mö simöi fangabölö utema'ö soroi ba dödö, tolo ba wolo'ö.

10. HUHUAO SEBUA

- SH** : Ya'irorogö dödömi, awö gera'erami fa'ohahau dödö andrö, khö Lowalangi, Sabölö moroi ba gera'era niha fefu, ba khö Keriso Yesu. Mangandrö ita.....Yaduhu.
- a. Fombaso taroma Li Lowalangi **Maleakhi 1:1-6 / Maleakhi 1:1-6** (*Tuho Migu: I'omasi'ö Yehowa fefu soi / TUHAN mengasihhi segala bangsa.*) Fanuriagö
 - b. Nitano ba dödö. **I Yohane 4:9 / I Yohanes 4:9** (*Ba da'ö no oroma wa'omasi Lowalangi andrö, ba khöda, me no ifatenge ba guli danö Nononia Lowalangi, ononia si ha sambua andrö, ena'ö auri ita balazi ia.* / Dalam hal inilah kasih Allah dinyatakan di tengah-tengah kita, yaitu bahwa Allah telah mengutus Anak-Nya yang tunggal ke dalam dunia, supaya kita hidup oleh-Nya!.)
 - c. Fangandrö Fanga'aro'ö huhuo

SATO : **Manunö : BZ. Numero 154 : 1**

154. NO MAFONDRONDRONGO LIU

1. No mafondrondrongo li-U, Lowalangi So'aya. Tanö ba dödöma ia, fa böi olifuga. Fahowu'ö ia khöma, ena'ö ohahau dödöma fefu. Heta ba dödö zi lö sökhi, ma'o'ö niwa'ö-U.

11. TUHO WAMATI

SA : Me no tarongo daroma Li Lowalangi, ba da tafaogö Lida wamaduhu'ö famatida Ya'ita niha Keriso föna Lowalangi, muzizio ita fefu.....endronga lida

- SA+SATO** :
- ❖ Ya'o mamati khö Lowalangi Ama si lö ambö fa'abölö, somböi banua si yawa awö danö.
 - ❖ Ya'o mamati Khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amoni'ö, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.
 - ❖ Ya'o mamati khö Geheha Ni'amoni'ö, ba ufati ha sambua mbanua ni'amoni'ö, fefu niha Keriso, fa'awösa niha ni'amoni'ö, ba fangefa horö, ba femaoso mboto zimate, ba fa'auri si lö aetu. Yaduhu. (Mudadao zato)

12. ANGOMBAKHATA BA MBANUA NIHA KERISO

13. SA : Da tafondrondrongo angombakhata:.....

FAMALUA HALÖWÖ FEMANGA GÖ NI'AMONI'Ö

**14. MANUNÖ
SA**

: Manunö ita moroi ba Mbuku Zinunö **numero: 248 ayati 1-2**

248. NA FAO NDRA'UGÖ KHÖGU YESU

do = es 4/4

MM = 88 - 96

1. Na fao Ndra'ugö khögu Yesu, fatuaso wa'aurigu
Ba lö mangiwa ae dödögu, ya'aro wamatigu khö-U
2. Ba lö sa'ae aombö dödögu, ba wofanö ba lalagu.
Me sawatö fangabe'egu, Keriso So'aya Yesu.

15. FANGANDRÖ SALAHI + FAMATENGE + HOWUHOWU

SH : Muzizio ita fefu, mangandrö ita :.....(tetohugö) : Ba döi Zo'aya ya'aga Yesu
Keriso, Si no mamahaö ya'aga ba wangandrö mamane :

SH + SATO : He Ama khöma siso ba zorugo, ya te'amoni'ö döi-U. Ya tobali banua-U fefu
niha, Ya itörö zomasi ndra'ugö, hulö ba zorugo, ya si manö göi ba gulidanö. Öma
sirugi ma'ökhö be'e khöma ma'ökhö andre. Ba efa'ö khöma horöma, si mane
fangefa'öma sala ba zi so sala khöma. Böi ohe ndra'aga ba wanandraigö, efa'öga
ba zi lö sökhi. Me ya'ugö zamatörö banua-U, ba sokhö fa'abölö, awö lakhömi,
irugi zi lö aetu. Yaduhu

SH : **FAMATENGE + HOWUHOWU** :
Mi'angawuli si fao fa'ohahau dödö, ya tobali ami sura Keriso, samaduhu'ö Ya'Ia
ba Lala wa'aurimi sero ma'ökhö, ba mitema (tatema) howuhowu Lowalangi :
❖ Ya mufahowu'ö ami/ita Lowalangi, Ya murorogö ami/ita
❖ Ya mufohaga mbawa-Nia Khömi/khöda, Ya mu'ebua'ö dödö-Nia
khömi/Khöda
❖ Ya mufalemba hörö-Nia khömi/khöda, Ya mube'e wa ohahau dödö
khömi/khöda fefu. Yaduhu

SATO : Manunö BZ.Numero **248 ayati 3**

248. NA FAO NDRA'UGÖ KHÖGU YESU

3. Me khö-U So'aya utötöna gahonota wa'aurigu.
Andrö wa faduhu dödögu, Ya'ugö razo sindruhu.

SH : YA'AHOWU

SATO : YA'AHOWU